

摛藻堂四庫全書薈要

集部

欽定四庫全書薈要

集部

御定全唐詩卷八百三十五

二至

詳校官原任主事 李斯咏



欽定四庫全書蒼要卷一萬八千二百三十七 集部

御定全唐詩卷八百三十二

貫休

遇五天僧入五臺五首

十萬里到此辛勤詎可論
唯云吾上祖見買給孤園
一月行沙磧三更到鐵門
白頭鄉思在迴首一銷魂

雪巔頂危坐乾坤四顧低
河橫于闐北日落月支西
水石香多白猿獠老不啼
空餘忍辱草相對色萋萋

遠禮清涼寺尋真似善才身心無所得日月不將來白
疊還圖象滄溟亦汎杯唐人亦何幸處處覺花開

塗足油應盡乾陀帔半隳辟支迦狀貌剎利帝家兒結
印魔應哭遊心聖不知深嗟頭已白不得遠相隨

送迎經幾國多化帝王心電激青蓮目環垂紫磨金眉
根霜入細梵夾蠹難侵必似陀波利他年不可尋

經普化禪師影院

大一今何處登堂似昔時曾蒙金印印得異野干兒影

東龍神在門荒桐竹衰誰云續僧史別位著吾師

秋寄李頻使君二首

為郎須塞詔當路亦驅驅貴不因人得清還似句無燒
煙連野白山藥抄階枯想得徵黃詔如今已在途

務簡趣難陪清吟共綠苔葉和秋蟻落僧帶野香

一作風

來留客朝嘗酒憂民夜畫友終期冒風雪江上見宗雷

上東林和尚

讓紫歸青壁高名四海聞雖然無一事得不是要君道

祇傳伊字詩多笑碧雲應憐門下客餘力亦為文

江邊道士

獨住大江濱不知何代人藥鑪生紫氣肌肉似紅銀酒
釀竹屋瀾符收山鬼仁何妨將我去一看武陵春

送僧之湖外

去旨趣非常春風爾莫狂惟擎一鐵鉢舊亦講金剛午
飯孤煙裏宵禪大石旁羨師終不及湘浪淥茫茫

懷謬獨一

常憶蘭陵子瓌竒
敝渴才思還如我
苦時不為伊來岳
霞猱擲雪湖月浪
翻杯未聞霑寸祿
此事亦堪哀

送廬山衲僧

飛錫下崆峒清高世
少雙凍天方篩雪
別我去何邦燒
繞赤烏亥雲漫白
蚌江路人爭得識
空仰鬢眉龐

寄西山胡汾吳樵

帶經鋤隴者何止
手胼胝覓句句好
慙予筋力衰雲
堦臨案冷鹿隊過
門遲相憶空回首
江頭日暮時

休糧僧

不食更何憂

一作求

自由中

一作終

自由身輕嫌衲重天旱

為民愁應

一作供

器誰將去生臺

一作靈臺

蟻不遊會須傳此

術相共

一作去

老山丘

送杜使君朝覲

第十六句
缺一字

借寇借不得清聲徹帝聰坐來千里泰歸去一囊空遺
愛封疆熟拔轆草木同路遙山不少江靜思無窮花舸
衝煙濕朱衣照浪紅援毫兩岸曉欹枕滿旗風道罕將

人合心難與聖通從茲林下客應 代天功

送人之嶺外

見說還南去迢迢有侶無時危須早轉親老莫他圖小
店地羨黑空山象糞枯三閭遺廟在為我一嗚呼

題弘式和尚院兼呈杜使君

二雅兼二密惜惜祇自怡臘高雲屐朽貌古畫師疑漸
蟻緣金錫鑪煙惹雪眉仍聞有新作祇是寄相思

一作
丘遲

湖頭別墅三首

梨栗鳥啾啾高歌若自由人誰知此意舊業在湖頭飢

鼠掀

一作
啾

菱殼新蟬避栗皺不知江海上戈甲幾時休

桑柘參桐竹陰陰一徑苔更無他事出祇有衲僧來
漸
蟻爭生食窗經卷燒灰可憐門外路日日起塵埃

南北如仙境東西似畫圖園飛青啄木簷挂白蜘蛛鄰
叟教修廢牛童與納租寄言來往客不用問榮枯

三峽聞猿

歷歷數聲猿寥寥渡白煙應栖多月樹況是下霜天萬

里客危坐千山境悄然更深仍不住使我欲移船
聞知聞赴成都辟請

文翁還化蜀幣幕列鷓鴣飲水臨人易燒山覓士難錦
機花正合搜蕈火初乾知己相思否如何借羽翰

題淮南惠照寺律師院

儀冠凝寒玉端居似沃州學徒悟有鳳律藏目無牛茗
滑香粘齒鐘清雪滴樓還須結西社來往悉諸侯

秋末長興寺作

荒寺古江濱，莓苔地絕塵。
長廊飛亂葉，寒雨更無人。
栗不和皴落，僧多到骨貧。
行行未得孤坐，更誰親。

寄杭州靈隱寺宋震使君

罷郡歸侵夏，仍聞靈隱居。
僧房謝朓語，寺額葛洪書。

晉道

士葛洪與靈隱寺書額了去至今在

月樹獼猴睡，山池菡萏疎。
吾皇愛清

靜，莫便結吾廬。

送人歸夏口

鴈鴈葉紛紛，行人豈易聞。
千山與萬水，何處更逢君。
貌

不長如玉人生祇似雲倘經三祖寺一為禮龕墳

送新羅僧歸本國

忘身求至教求得却東歸離岸乘空去終年無所依月
衝陰火出帆撈大鵬飛想得還鄉後多應著紫衣

避寇入銀山

草草穿銀峽崎嶇路未諳傍山為店戍永日繞溪潭燒
地生芑蕨人家煮偽蠶翻如歸舊隱步步入煙嵐

聞友人駕前及第

見心知命好一別隔煙波世亂無全士君方掇大科早
隨鑿輅轉莫戀蜀山多必貢安時策忠言柰爾何

避地毘陵上王愷使君

時黃賊陷東陽
公避地於浙右

至理至昭昭心通即不遙聖威無遠近吾道太孤標辛
苦蘇氓俗端貞荅盛朝氣高吞海岳貧甚似漁樵庾亮
風流澹劉寬政事超清須遭貴遇隱已被誰招栗塢修
禪寺仙香寄石橋風雷巡稼穡魚鳥合歌謠視事私終
殺憂民態亦彫道高無不及恩甚固難消大寇山難隔

孤城數合燒烽煙終日起湯沐用心焦勇義排千陣誅
鋤擬一朝誓盟違日月時賊偽降盟書終背旌旆過寒潮古驛江
雲入荒宮海雨飄仙松添瘦碧天驥減豐臙似在陳兼
衛終為宋與姚已觀雲似鹿即報首皆梟盡願迴清鏡
重希在此條應憐千萬戶禱祝向唐堯

送崔尚書朝覲

至理契穹旻方生甫與申一麾歌政正三相賀仁人叵
似盧懷慎全如邵信臣澄渟消宿蠹煦愛劇陽春對客

煙花拆焚香渥澤新徵黃還有自

令弟相公號當公遂避賢路也挽鄧

住無因峽水全輸潔巫娥却訝神宋均顏未老劉寵骨
應貧大醉辭王翦含香望紫宸三峰初有雪萬里正無
塵伊昔林中社多招席上珍終期仙掌下香火一相親

寒夜有懷同志

永夜殊不寐懷君正寂寥疎鐘寒徧郭微雪靜鳴條南
省鴈孤下西林鶴屢招終當謝時去與子住山椒

寄新定桂雍

獨自住烏龍應憐是衲僧
句須人未道君此事偏能塢
濕雲埋觀溪寒月照

一作
在

曾相思不可見江上立騰騰

贈靈鷲山道潤禪師院

常恨煙波隔聞名二十年
結為清氣引來到法堂前
薪拾紛紛葉茶烹滴滴泉
莫嫌來又去天道本泠然

干霄亭晚望懷王榮侍郎

霜打汀島赤孤煙生池塘
清吟倚大樹瑤草何馨香
久別青雲士常思白石房
誰能共歸去流水似鳴璫

海邊見羅鄴

清世詩聲出誰人得似君命通
須有日天未喪斯文楚木寒
連寺修江碧入雲相思喜相見
庭葉正紛紛

送僧之東都

之子之東洛囊中有偈新紅塵
誰不入獨鶴自難親定鼎門
連岳黃河凍過春憑師將遠意
說似社中人

送于兢補闕赴京

亂離吾道在不覺到清時得句
下雪岳送君登玉墀冷

驚蟬韻斷涼觸火雲隳倘遇南來使無忘問所之

送鄭準赴舉

兩河兵火後西笑見吾曹海靜三山出天空一鷄高賃

居槐抄

一作陟

屋行卷雪埋袍他日如相覓栽桃近海濤

寄拄杖上王使君

拄杖鄰

一作林

僧與殊常不可名一條鬣玉重百兩紫金

輕有乳盤春力無心合道情惟宜高處著將寄謝宣城

秋望寄王使君

靜躡紅蘭徑，憑高曠望時。
無端求句苦，永日豁風吹。
大月生峰角，殘霞在樹枝。
祇應劉越石，清嘯正相宜。

送緣有禪師與雷處士入武夷山

師與雷居士，尋山道入閩。
應將熊耳印，別授武夷君。
崖罅仙棺出，江垠毒草分。
他年相覓在，莫苦入深雲。

送友生入越投知己

才大終難住，東浮景漸暄。
知將別足恨，去擊李膺門。
宿霧開花塢，春潮入苧村。
預思秋薦後，一鷲出乾坤。

寄烏龍山賈泰處士

庭果色如丹相思夕照殘雲邊踏燒去月下把書看澗
水仙居共窗風漆樹寒吾君方側席未可便懷安

題大安寺通禪師院

應行諸岳徧象屣半無網一法尋常說此機仍未忘窗
閒藤影老衲厚瀑痕荒寄語迷津者來茲問不妨

春晚寄盧使君

滿郭春如畫空堂心自澄禪拋金鼎藥詩和玉壺冰白

雨飄花盡晴霞向閣凝
寂寥還得句因寄柳吳興

武昌縣與晝公兼寄邑宰

小一何人識騰騰
天地間尋常如一鶴
亦不愛青山
鉢年多赤麻衣帶
毳斑祇聞尋五柳
時到月中還

別東林僧

第三句
缺二字

大士宅裏宿芙蓉
合龍畔遊

芙蓉道人坐處

自憐

在子莫苦

相留燥葉飄山席
孤雲傍茗甌
襄回不能去
房在好峰

頭

避地寄高蟾

荒寺雨微微空堂獨掩扉
高吟多忤俗此貌若為飢
旅夢遭鴻喚家山被賊圍
空餘老萊子相見獨依依

懷武夷山禪師

萬疊仙山裏無緣見有緣
紅心蕉繞屋白額虎同禪
古木苔封菌深崖乳雜泉
終期還此去世事祇如然

秋末閒居作

幽居山不別落葉與階平
盡日吟詩坐無端箇病成
徑

苔因旱赤池水入冬清惟有東峰叟相尋月下行

贈許徵君

晝公友秦奚來往踏溪雲如今又到我還愛許徵君落
花鳥銜來永日香氤氳終期將爾曹歸去麋鹿羣

秋夜作因懷天台道者

萬事何須問良時即此時高秋半夜雨落葉滿前池靜
怕龍神識貧從草木欺平生無限事祇有道人知

偶作因懷大同道友

蠻木葉不落微吟漳水濱二毛空有雪萬事不如人
壑
水平芳草山花落淨巾天童好真伴何日更相親

邊上行

黑松一作白榆林外路風角遠噤噤朔氣生荒堡秋塵滿病

容豺掬沙底骨人上月邊烽休作西行計西行地漸兇

江西再逢周璉

六七年不見相逢鬢已蒼交情終淡薄詩語更清狂未
得丹霄便依前四壁荒但令吾道在晚達亦何妨

登鄱陽寺閣

寺樓閒縱望不覺到斜暉故國在何處多年未得歸寒
江平楚外細雨一鴻飛終數於陵子吳山有綠薇

秋晚野居

僻居人不到吾道本來孤山色園中有詩魔象外無霜
禾連島赤煙草倚橋枯何必求深隱門前似畫圖

酬杜使君見寄

軋軋復軋軋更深門未關心疼無所得詩債若為還露

灑一鶴睡鐘餘萬象閑慙將此時意明日寄東山

湖上作

我竟胡為者嘵嘵但愛吟身中多病在湖上住年深山
雷穿苔壁風鐘度雪林近來心更苦誰復是知音

送僧歸天台寺

天台四絕寺歸去見師真莫折枸杞葉令十一得一作拾

嗔天空聞聖磬瀑細落花中必若雲中老他時得一作德

有鄰

天台國清寺有拾得花中即波羅中也

御定全唐詩卷八百三十二

欽定四庫全書薈要卷一萬八千二百三十八

集部

御定全唐詩卷八百三十三

貫休

壽春節進

一本注武成元年作

聖運關天紀龍飛古帝基振搖三蜀地聳發萬年枝
出震同中古承乾動四夷恩頒新命廣淚向舊朝垂大寶
歸玄讖殊祥出遠池

時有黃龍見於嘉州之野

法天深罔測體聖妙

難知儉德為全德無思契十思不圖非力致英武悉天

資正直方親切回邪豈敢窺將排顏與牧相得稷兼夔

鹽出符真主

鹽湯并野

麟來合大規

麟麟見

賡歌隨羽籥奕葉

敷伊祁寡欲情雖泰憂民色未怡盛如唐創業宛勝晉

朝儀旰食宮鶯轉宵衣禁漏遲多於湯土地還有禹胼

胝視物如傷日勝殘去殺時守文情的的無逸戒孜孜

軒頊風重振皇唐鼎創移始聞呈瑞石又報產靈芝

瑞石

放光靈芝生野

覆幬高緣大包容妙在卑兄呼春赫日師指佛

牟尼

大梵天王帝釋以佛為師也今上皇帝亦然

佳氣宸居合淳風樂府吹

急賢彰帝業解網見天慈粟赤千千窖軍雄萬萬兒八

蠻須稽顙四海仰昌期玉輦嬪嬙擁宮花錦繡欵堯雲

同駿黷漢祖太驅馳氛祲根株盡澆訛朕兆隳山河方

有截野逸詔無遺境靜消鋒鏑田香熟稻糜夢中逢傅

說殿上見辛毗金鏡懸千古彤雲起四維盛行唐典法

再覩舜雍熙祝壽乾文動郊天太一隨煌煌還宿衛疊

疊叶聲詩飲醴和甘雨非煙遶御帷銀輪隨寶馬玉沼

見金龜

金色龜見

杳杳聞韶濩重重降撫綏魏徵須却出葛

亮更何之簡約逾前古昇平美不疑觸邪羊哈哈鼓腹
叟嘻嘻邁五方云大超三始見竒錦霞連紫極仙鳥下
峨眉謝傳還為傳周師又作師納隍為永任從諫契無
為子子囊瀛主孫孫日月旗壽春嗟壽域萬國盡虔祈
捧日三車子恭思八彩眉願將七萬歲匍匐拜瑤墀

拜當

作進

送僧之安南

安南千萬里師去趣何長鬢有炎

一作

州雪心為異國

香退牙山象惡過海布帆荒早作歸吳計無忘父母鄉
送僧歸剡山

遠逃為亂處寺與石城連木落歸山路人初刈剡田荒
林猴咬栗戰地鬼多年好去楞伽子精修莫偶然

送僧入幽州

高士高無敵騰騰話入燕無人知爾意向我道非禪粟
逕穿蕃塚狼聲隔遠煙槃山多道侶應未有歸年

送僧遊五臺

羨師遊五頂乞食值年豐去去誰為侶
栖栖力已充濁河高岸折衰草古城空
必到華嚴寺憑師問辨公

送僧入五洩

五洩江山寺禪林境最奇九年喫菜粥
此事少人知山響僧擔穀林香豹乳兒
伊余頭已白不去更何之

題令宣和尚院

軒窗領嵐翠師得世情忘惟愛談諸祖
曾經宿大荒泉聲淹臥榻雲片犯鑪香
寄語題門者看經在上方

寄四明閭丘道士二首

淮海兵荒日分飛直至今知擔諸子出却入四明深衣
必編仙草僧應共栗林秋風溪上路應得一相尋
三千功未了大道本無程好共禪師好常將藥犬行石
門紅蘚剝柘塢白雲生莫認無名是無名已是名

經士馬中作

偷兒成大寇處處起煙塵黃葉滿空宅青山見俗人妖
星芒刺越鬼哭勢連秦惆悵還惆悵茫茫江海濱

士馬後見赤松舒道士

滿眼盡瘡痍相逢相對悲亂階猶未已一柱若為支堰
茗蒸紅棗看花似好時不知今日後吾道竟何之

題方公院寄夏侯明府

銀地有餘光方公道益芳誰分修藏力頂有剃頭霜經
勘松風燥簷垂塢茗香終須結西社此縣似柴桑

與劉象正字

獨居三島上

在觀
中住

花竹映柴闌道廣羣仙惜名成萬事

閒病多唯縱酒靜極不思山
唯有逍遙子時時自往還
懷智體道人

栖碧思

一作把
筆懷

吾友庭鶯百轉時
唯應一處住方得不

相思雲水淹門閭
春雷在

一作折

樹枝平生無限事
不獨

白雲知

贈晦公禪人

流陽為役者相訪
葉紛紛有句雖如我
無心未似君
構林青及竹茆屋暖於雲
何日相將去
千山麋鹿羣

寄靜林別墅胡進士兄弟

見說山居好書樓被翠侵
燒燹汀島境月色弟兄吟
犬吠黃裨落牛歸紅樹深
仍聞多白菌應許一相尋

懷赤松故道士

可惜復可惜如今何所之
信來堪大慟余復用生為
亂世今交鬪玄宮玉柱墮
春風五陵道回首不勝悲

偶作

無端為五字字字鬢星星
星祇覺人情薄空餘鶴眼青
砌

莎藏隊果窗雪浸殘經祇有歸山計茫茫何所營

春日許徵君見訪

龍鍾多病後日望遇昇平
遠念穿嵩雪前林轉早鶯
廚香烹瓠葉道友扣門聲
還似青溪上微吟踏葉行

經先主廟作

古廟積煙蘿威靈及物多
因知曹孟德爭柰此公何
樹古雷痕剝碑荒篆畫訛
今朝冥禱祝祇望息干戈

寄中條道者

柏梯杉影裏頭白藥山孫今古管不得是非爭肯論虎
鬚懸瀑滴禪衲帶苔痕常恨龍鍾也無因接話言

夏日晚望

登臨聊一望不覺意悵然陶侃寒溪寺如今何處邊汀
沙生早霧山火照平川終事東歸去干戈滿許田

送僧歸山

第六句
缺一字

眼青禪帔赤氣岸出塵埃霞外終須去人間作麼來崖
香泉吐乳塢燥燒 雷他日終相覓山門何處開

覽皎然渠南鄉集

學力不相敵清還彷彿同
高于寶月月誰得射鴈弓
至鑿封姚監良工遇魯公
如斯深可羨千古共清風

覽姚合極玄集

第四句
缺一字

至覽如日月今時即古時
髮如邊草白誰念射鵰聲
好鳥挨花落清風出院遲
知音郭有道始為一吟之

大駕西幸秋日聞雷

軍書日日催處處起塵埃
黎庶何由泰鑿鑿輿早晚
回夏

租方減食秋日更聞雷莫道蒼蒼意蒼蒼眼甚開

詩

紀事題
作言詩

經天緯地物動必計

一作是

仙才幾處覓不得有時還自

來真風含素髮秋色入靈臺吟向霜蟾下終須神鬼哀

秋末江上望

莽莽古江濱紛紛墜葉頻煙霞誰是主丘隴自傷神吞
併寧唯漢淒涼莫問陳盡隨流水去寂寞野花香

乞食僧

擎鉢貌清羸天寒出寺遲
朱門當大路風雪立多時
似月心常淨如麻事不知
行人莫輕誚古佛盡如斯

寒望九峰作

九朶碧芙蓉王維圖未圖
層層皆有瀑一一合吾居
雨歇如爭出霜嚴不例枯
世猶多事在為爾久躊躇

薊北寒月作

薊門寒到骨戰磧鴈相悲
古屋不勝雪巖風欲斷髭
清吟得冷句遠念失佳期
寂寞誰相問迢迢天一涯

新猿一作新蟬

尋常看不見花落樹多苔忽向高枝發又從何處來風

清聲更揭月苦意一作思彌哀多少求名者年年被爾催

懷南岳隱士二首一作贈隱者

千峰映碧湘真隱此中藏餅不煮石喫眉應似髮長風

柳一作根支酒甕鶴蟲落琴床雖一作誰敦忘機者斯人尚

未忘

見說祝融峰擎天勢似騰藏千尋瀑布出十八高僧古

路無人跡新霞出石稜終期將爾叟一
一月中登

追憶馮少常

盛德方清貴旋聞逐逝波令人翻不
會積善合如何直道登朝晚分憂及
物多至今新定郡猶咏袴襦歌

聞閔廷言周璉下第

前榜年年見高名日日聞常因不平
事便欲見吾君兄弟居清島園林生
白雲相思空悵望庭葉赤紛紛

寄景地判官

渚宮江上別倏忽十餘年舉世唯攻說多君即不然浦
珠為履重園柳助詩玄勉力酬知己昌朝正急賢

讀賈區賈島集

區終不下島島亦不多區冷格俱無敵貧根亦似愚青
雲終歎命白閣久圍鑪今日成名者還堪為爾吁

送衲僧之江西

索索復索索無憑却有憑過溪遭惡雨乞食得乾菱祇
有山相伴終無事可仍如逢梅嶺旦向道祇寧馨

故林偶作

朗吟無一事孤坐澗江濱
媚世非吾道良圖有白雲
蠹魚開卷落啄木隔花聞
唯寄壺中客金丹許共分

寄栖白大師二首

流浪江湖久攀緣歲月闌
高名當世重好句逼人寒
月苦蟬聲嘎鐘清柿葉乾
龍鍾千萬里擬欲訪師難

蒼蒼龍闕晚九陌雜香塵
方外無他事僧中有近臣
青門玉露滴紫閣錦霞新
莫話三峰去澆風正蕩溥

送人之渤海

國之東北角有國每朝天海力浸不盡夷風常宛然山
藏羅刹宅水雜巨鰲涎好去吳鄉子歸來莫隔年

寄李道士

常見高人說猶來不偶然致身同槁木話道出忘詮長
嘯仙鐘外眠楂海月邊倘修陰托托一望寄余焉

秋送夏郢歸錢塘

歸客指吳國風帆幾日程新詩陶雪字玄髮有霜莖微

月生滄海殘濤傍石城從茲江島意應續子陵名

送僧歸翠微

祇衲一箇衲翠微歸舊岑不知何歲月即得到師心逕
遠千峰細菴開亂木深倘然雲外老他日亦相尋

經友生墳

多君墳在此令我過悲涼可惜為人好剛須被數將白
雲從塚出秋草為誰荒不覺頻回首西風滿白楊

懷洛下盧縉雲

一減三張價幽居少室前豈應貧似我不得信經年木
落多詩藁山枯見墨煙何時深夜坐共話草堂禪

送李劔赴舉

詩業務經綸新皆意外新因知登第榜不著不平人句
得孤舟月心飛九陌塵明年相賀日應到曲江濱

寶禪師見訪

山兄心似我岸谷亦難交不見還相憶來唯添寂寥茶
煙粘初葉雲水透蘅茆因話流年一作事斯須不可拋

觀棊

逸格格難及半先相遇稀
落花方滿地一局到斜暉
褚
肴死不死將軍飛已飛
今朝慙一行無以造玄微

題一上人經閣

鳥外何須去衣如蘇亦從
但能無一事即是住孤峰
雨
歇雲埋閣月明霜灑松
師心多似我所以訪師重

和毛學士舍人早春

陋巷冬將盡東風細雜藍
解牽窗夢遠先是澗梅
諳茶

癖金鐺快

舍人有
茶譜

松香玉露含書齋山帚撮盤饌藥花

甘雅得琴中妙

舍人妙
于七弦

常按臉似酣雪消聞苦蟄氣候

似宜蠶蜜勿須清甲朝歸遶碧潭丹心空拱北新作繼
周南竹杖無斑點紗巾不著簪大朝名益重後進力皆
覃至理雖亡一臣時亦說三不知門下客誰上晏嬰驂

御定全唐詩卷八百三十三

欽定四庫全書蒼要卷一萬八千二百三十九

集部

御定全唐詩卷八百三十四

貫休

壽春進祝聖七首

千載降祥

九天宮上聖降世共昭回萬彙須亭毓羣仙送下來承
乾當否極無事盡康哉祇有羲軒比其餘不可陪

文有武備

武宿與文星常如掌上擎
孫吳機不動周邵事多行
旰食爐煙細宵衣隙月明
還聞夔進曲吹出秦階平

從諫如流

及雷龍鱗動君臣道義深
萬年軒后鏡一片漢高心
北狄皆輸款南夷盡貢琛
從茲千萬歲枝葉玉森森

搜揚草澤

俟時兼待價垂棘出塵埃
仄席三旌切移山萬里來
煙霞衣上落閭闔雪中開
壽酒今朝進無非出世才

守在四夷

天將興大蜀有道遂君臨
四塞同諸子三邊共一心
閣婆香似雪迴鶻馬如林
曾讀前皇傳巍巍冠古今

大興三教

瞳瞳懸佛日天俟動雲韶
縫掖諸生集麟洲羽客朝
非煙生玉砌御柳吐金條
擊壤翁知否吾皇即帝堯

山呼萬歲

聲教無為日山呼萬歲聲
隆隆如谷響合合似雷鳴
翠

拔為天柱根盤倚鳳城恭唯千萬歲歲致昇平

早秋夜坐

微涼砧滿城林下石牀平髮豈無端白詩須出世清鄰
僧同樹影砌月浸蛩聲獨自更深坐無人知此情

早起

夜坐還早起寂寥多病身神清尋夢在香極覺花新樹
露繁於雨溪雲動似人又知何處客軋軋轉征輪

秋晚野步

閒步不覺遠蕭蕭木落初詩情拋閩闕江影動襟裾閣
北鴻行出霞西雨脚踈金峰秋更好乞取又何如

晚望

曠望危橋上微吟落照前煙霞濃浸海川岳濶連天白
鳥格不俗孤雲態可憐終期將爾輩歸去舊江邊

寄翰林陸學士

顏冉商參甲鸞凰密勿才簾垂仙鳥下吟次聖人來寶
輦千官捧宮花九色開何時重一見為我話蓬萊

贈造微禪師院

蒼蘊氣雍雍門深聖澤重
七絲奔小鱗五字逼雕龍
藥轉紅金鼎茶開紫閣封
圭峰爭去得卿相日憧憧

南海晚望

海上聊一望舶帆天際飛
狂蠻莫挂甲聖主正垂衣
風惡巨魚出山昏羣獠歸
無人知此意吟到月騰輝

寄廬山大願和尚

石上桂成叢師菴在桂中
皆云習鑿齒未可扣真風
雪

洗香鑪碧霞藏瀑布紅何時甘露偈一寄剡山東

懷薛尚書兼呈東陽王使君

得力未得力高吟夏又殘二毛非自出萬事到詩難
蟬見木葉落雷將雨氣寒何妨槌琢後更獻至公看

上馮使君水晶數珠

泠泠瀑滴清貫串有規程將諷觀空偈全勝照乘明
龍神多共惜金玉比終輕願在玄暉手常資物外情

送明覺大師兼寄鄭山人

去去楞伽子春深道路長
鳥啼青嶂險花落紫衣香
此去非餘事還歸內道場
憑師將老倒一向說榮陽

廬山尋靈紀不遇

久別稀相見深山道益孤
葉全離大朴君尚在新吳
鐘噉聲飄驛山頑氣噴湖
留詩如和得一望寄前途

題曹溪祖師堂

皎潔曹溪月嵯峨七寶林
空傳智藥記豈見祖禪心
信衣非苧麻白雲無知音
大哉雙峰溪萬古青沈沈

懷匡山道侶

常憶將吾友穿雲過瀑西有碑皆讀徹無處不相攜
桂株株濕猿猱箇箇啼等閒成遠別窗月又如珪

懷盧延讓

時延讓
新及第

冥搜忍飢凍嗟爾不能休幾歎不得力到頭還白頭
姓名歸紫府妻子在滄洲又是蟬聲也如今何處遊

春晚訪鏡湖方干

幽居湖北濱相訪值殘春路遠諸峰雨時多擲斃人蒸

花初釀酒漁艇劣容身莫訝頻來此伊余亦隱淪
秋過相思寺

見說相思寺今來似有期瘴鄉終有出天意固難欺
晝雨先花島秋雲挂戍旗故人多在蜀不去更何之

御定全唐詩卷八百三十四

欽定四庫全書薈要卷一萬八千二百四十

具部

御定全唐詩卷八百三十五

貫休

蜀王入大慈寺聽講

天復三年作

玉節金珂響似雷
水晶宮殿步裴回
祇緣支遁談經妙
所以許詢都講來
帝釋鏡中遙仰止

善法堂前有七寶鏡照四天下魔

軍殿上動崔巍
千重香擁龍鱗立
五種風生錦繡開

上界

天王欲下遊行時先有三種風生一開其樓臺殿閣二香氣芬馥三吹去萎花更雨新者寬似大溟

生日月秀如四岳出塵埃一條紫氣隨高步九色仙花落古臺謝太傅須同八凱姚梁公可並三台登樓喜色未將熟望國誠明首不迴駕馭英雄如赤子雌黃賢哲貢瓊瑰六條消息心常苦一劔晶熒敵盡摧木鐸聲中天降福景星光裏地無災百千民擁聽經座始見重天社稷才

蜀王登福感寺塔三首

天資忠孝佐金輪香火空王有宿因此世喜登金骨塔

前生應是育王身

佛記育王造四萬八千塔

封疆歲暮笙歌合襦袴

正初錦繡新釋子沾恩無以報祇擎章句貢平津

似聖悲增道不窮憂民憂國契堯聰兩髯有雪丹霄外
萬里無塵一望中南照微明連莽蒼峨岷擁秀接崆峒
林僧歲月知何幸還似支公見謝公

步步層層孰可陪相輪邊日照三台喜歡烝庶皆相逐
惆悵鑾輿尚未迴金鐸撼風天樂近仙花含露瑞煙開
一年一度常如此願見文翁百度來

少監三首

器琢仙珪美有餘
席珍國寶比難如
銜花乳燕看調瑟
衣錦佳人侍讀書
荀氏門風龍變化
謝家庭樹玉扶疎
即期寰海隆平日
歸佐吾皇侍玉除

益友相隨益自強
趨庭問禮日昭彰
袍新宮錦千人目
馬駿桃花一卷香
偏愛曾顏終必及
或如韓白亦無妨
八龍三虎森如也
萬古千秋瑞聖唐

具體而微太少年
鳳毛五色帶非煙
倚天長劍看無敵

遶樹號猿已應弦接士開襟清聖熟分題得句落花前
即應出將傳家法聖澤恩波浩浩然

再到鍾陵作

六七年來到豫章舊遊知己半凋傷春風還有花千樹
往事都如夢一場無限丘墟侵郭路幾多臺榭浸湖光
祇應唯有西山色依舊崔巍上寺牆

經弟妹墳

第五句
缺二字

淚不曾垂此日垂山前弟妹塚離離年長於吾未得力

家貧拋爾去多時鴻衝

霜中斷蕙雜黃蒿塚上哀

恩愛苦情拋未得不堪回首步遲遲

到蜀與鄭中丞相遇

深隱猶為未死灰遠尋知己遇三台如何麋鹿羣中出
又見鷓鴣天上來劒閣霞粘殘雪在錦江香甚百花開
謾期王謝來相訪不是支公出世才

別馮使君

瓦礫文章豈有媒兩三年祇在金臺本師頭白須歸去

太守門清願再來
皓皓玉霜孤鴈遠
蕭蕭松島片帆開
從茲林下終無事
唯祇焚香祝上台

上新定宋使君

禪坐吟行誰與同
杉松共在寂寥中
碧雲詩裏終難到
白藕花經講始終
水壘山層擎草䟽
砧清月苦立霜風
十年勤苦今酬了
得句桐江識謝公

和李判官見新榜為兄下第

失意荆枝滴淚頻
陟岡何翅不知春
心中岐路平如砥

天上文章妙入神
休說宋風迴鷓首
即看雷火燎龍鱗
從茲相次紅霞裏
留取方書與世人

送羅鄴赴許昌辟

方得論心又別離
黯然江上步遲遲
不堪迴首崎嶇路
正是寒風皺錯時
美似郗超終有日
去依劉表更何疑
前程不少南飛鴈
聊寄新詩慰所思

酬韋相公見寄

鹽梅金鼎美調和
詩寄空林問訊多
秦客奕碁拋已久

楞嚴禪髓更無過萬般如幻希先覺一丈臨山且奈何
日到天心乃相公之日老僧日去山乃一文耳空諷平津好珠玉不知更得及
門麼

酬張相公見寄

周郎懷抱好知音常愛山僧物外心閉戶不知芳草歇
無能唯擬住山深感通未合三生石騷雅歡擎九轉金
但似前朝蕭傲與蔣紳老僧風雪亦相尋

酬王相公見贈

孤拙將來豈偶然不能為漏滴青蓮一從麟筆題牆後
常祇冥心古像前九德陶鎔空有跡六窗清淨始通禪
今朝幸捧瓊瑤贈始見玄中更有玄

酬周相公見贈

三界無家是出家豈宜拊鳳覩新麻幸生白髮逢今聖
曾夢青蓮映玉沙境陟名山烹錦水睡忘東白洞平茶
喜擎繡段攀金鼎謝朓餘霞始是霞

道情偈三首

空峒老人專一一黃梅真叟却無無獨坐松根石頭上
四溟無限月輪孤

非色非空非不空空真色不玲瓏可憐盧大擔柴者
拾得驪珠索箇中

優鉢羅花萬劫春頻犁田地絕纖塵道吾道者相招好
不是香林採葉人

馬上作

柳岸花堤夕照紅風清襟袖響璵璠行人莫訝頻迴首

家在凝嵐一點中

道中逢乞食老僧

赤椶櫚笠眉毫垂挂柳栗杖行遲遲時人祇施盂中飯
心似白蓮那得知

秋末寄武昌一公

見說武昌江上住柏枯槐朽戰時風知師詩癖難醫也
霜灑蘆花明月中

陋巷

墜葉如花欲滿溝，破籬荒井一蟬幽。
亦知希驥無希者，作麼令人強轉頭。

終南僧

聲利掀天竟不聞，草衣木食度朝昏。
遙思山雪深一丈，時有仙人來打門。

聽僧彈琴

家近吳王古戰城，海風終日打牆聲。
今朝鄉思渾堆積，琴上聞師大蠅行。

漁者

風惡波狂身似閑
滿頭霜雪背青山
相逢畧問家何在

回指

一作觀

蘆花滿舍

一作蒼莽

閒

大蜀皇帝潛龍日
述聖德詩五首

嶽瀆殊祥日月精
入堯金鏡佐休明
衣嚴黼黻皇恩重
劍折芙蓉紫氣橫
玉甃金湯山岳峻
花藏臺榭管弦清
已聞圖上凌烟閣
寵渥穹窿玉不名

扶持社稷似齊桓
百萬雄師貴可觀
神智發中真莫測

貢輸天下學應難風清輦角

肅神龍草木寒

堪羨蜀民恒有福太平時節一般般

第五句缺三字
第六句缺一字

珠履三千侍玉除

一作宮

一作花飄錦早鶯初雖然周

孔心相似其奈龔黃政不如浩浩歌謠聞禁掖重重襦
袴滿樵漁若論朝野艱難日第一之功美有餘

紫髯青眼代天才韓白孫吳稍可陪祇見赤心堯日下
豈知真氣梵天來聽經瑞雪時時落登塔天花步步開
盡祝莊椿同壽考人間歲月豈能催

丈夫勛業正乾坤
麟鳳龜龍盡在門
西伯最憐耕讓畔
曹叅空愛酒盈樽
心慈為受金仙囑
髮白緣酬玉砌恩
從此于門轉高大
可憐子子與孫孫

陳情獻蜀皇帝

河北江東

一作河南

處處災唯聞全蜀勿

一作少

塵埃一併一

鉢垂垂老千水千山得得來柰苑

一作秦苑

幽棲多勝景巴

歛陳貢媿非才自慙林藪龍鍾者亦得親登郭隗臺

壽春節進大蜀皇帝五首

上玄大帝降坤維箕尾為臣副聖期豈比赤光盈室日
全同白象下天時文經武緯包三古日角龍顏遏四夷
今日降神天上會願將天福比須彌

異香滴露降紛紛紫電環樞照禁門先冠百王臨億兆
後稱十號震乾坤羲軒之道方為道草木沾恩始是恩
今以謏才歌睿德猶如飲海妙難論

茂祉遐宣勝事并薰風微入舜弦清四洲不必歸王化
一統那能計聖情合合鼓鐘膏雨滴峩峩宮闕瑞煙橫

西逾昆岳東連海誰不梯山賀聖明

遠人玉帛盡來歸及物天慈物物肥
春力遍時皆甲折王言聞者盡光輝
家家錦繡香醪熟處處笙歌乳燕飛
為報蜀皇勤禱祝聖明天子古今稀

積劫修來似鍊金為皇為帝萬靈欽
能當濁世為清世始見君心是佛心
九野黎民耕浩浩百蠻朝騎日駸駸
今朝獻壽將何比願似莊椿一萬尋

對雪寄新定馮使君二首

仙掌空思歸未能
焚香冥目對殘燈
豈知瑞雪千山合
空覺春寒半夜增
翳月素雲埋粉堞
堆巢孤鶴下金繩
因思太守憂民切
吟對瓊枝喜不勝

政化由來通上靈
豐年祥瑞滿窗明
氣嚴坐久燈凝燄
片大更深屋作聲
飄掩煙霞何處去
欹斜杉竹向簾傾
雪林中客雖無事
還有新詩半夜成

送劉相公朝覲二首

九苞仙瑞曜垂衣
一品高標百辟師
魏相十思常自切

曹溪一句幾生知

公深入禪理

久交玉帳雖難別須佐金輪

去已遲唯杜荊州最惆悵柳門迴首落花時

急徵祇是再登庸生意人心萬國同變理久徵殷傳說
譚真欲過李玄通程穿峴首春光老馬速高於曙色紅
從此龍顏又應瘦寰瀛俱荷代天功

避寇遊成福山院

成福僧留不擬歸獼猴菌嫩豆苗肌那堪蠶月偏多雨
況復衢城未解圍

時孫端國逼衢城數月

翠擁槿籬泉亂入雲開

花鳥雉雙飛堪嗟大似悠悠者祇向詩中話息機

別李常侍

楚水和煙海浪通又擎杯錫去山東道情雖擬攀孤鶴
詩業那堪至遠公夢入深雲香雨滴吟搜殘雪石林空
朱門再到知何日一片征帆萬里風

送鄭閣赴閩辟

便便書腹德無鄰健筆從知又入閩鸚鵡才須歸紫禁
真珠履不稱清貧武夷山夾仙霞薄螺女潭通海樹春

從此應多好消息莫忘江上一間人

寄信州張使君

水壇禋殿地含煙領鶴行吟積翠間數閣涼颼終日去
滿懷明月上方還時來自有鷓鴣識道在從如草木閒
唯羨靈溪賢太守一麾清坐似深山

春末寄周璉

暮角含風雨氣曛寂寥莓翠上衣巾道情不向鶯花薄
詩意自如天地春夢入亂峰仍履雪吟看芳草祇思人

手中孤桂月中在來聽泉聲莫厭頻

讀吳越春秋

猶來吳越盡須慙背德違盟又信讒宰詔一言終殺伍
大夫七事祇須三功成獻壽歌飄雪誰愛扁舟水似藍
今日雄圖又何在野花香徑鳥喃喃

春遊靈泉寺

水蹴危梁翠擁沙鐘聲微徑入深花
嘴紅澗鳥啼芳草

頭白山僧自扞

一作
軒

茶松色摧殘遭賊火水聲幽咽落

人家

寺因泉得名自經沙汰其泉落在人家

因尋古跡空惆悵滿袖香風

白日斜

歸東陽臨岐上杜使君七首

小謝清高大謝才聖君
令秦北方來一從到後常無事
鈴閣公庭滿綠苔

紅錦帳中歌白雪烏皮几
畔撫青英不知何物為心地
賽却澄江徹底清

誰報田中有黑蟲一家齋戒減仙容
分憂若也皆如此

天下家家有剝春

憂民心切出衝炎禾稼如雲喜氣兼林下閒人亦何幸

也隨旌旆到銀尖

銀尖去郭二十里

方恐獄中桃樹出忽聞枯木却生煙

時有枯木再生

禘祥為郡

曾如此却恐當時是偶然

枯骨縱橫遍水湄盡收為塚碧參差分明為報精靈單
好送旌旗到鳳池

捨魯依劉一片雲好風吹去遠纖塵猶期明月清風夜

來作西園第八人

御定全唐詩卷八百三十五

謹案卷八百三十五第八頁後四行陳情獻蜀皇
帝按別本作投王建



庚子年
金華書會
庚子年

總校官庶吉士 臣張能照

校對官中書 臣張 頊

膳錄監生 臣張曾溶

欽定四庫全書會要

集部

御定全唐詩卷八百三十

六至
八

詳校官原任主事臣李斯咏

欽定四庫全書薈要卷一萬八千二百四十一

集部

御定全唐詩卷八百三十六

貫休

春



自來自去動洪鑪無象無私無處無迴鴈不多消氣力
染花應最費工夫溟濛便恨豪家惜濃暖深為政筆駢
莫訝相逢只添睡伊余心不在榮枯

聞迎真身

四海無波八表臣恭聞今歲禮真身七重鎖未開金鑰
五色光先入紫宸丹鳳樓臺飄瑞雪岐陽草木亞香塵
可憐優鉢羅花樹三十年來一度春

灞陵戰叟

劍利秋水鬢梳霜回首胡天與恨長官竟不封右校尉
關曾生挾左賢王尋班超傳空垂淚讀李陵書更斷腸
今日灞陵陵畔見春風花霧共茫茫

遇道者

鶴骨松筋風貌殊不言名姓絕榮枯尋常藜杖九衢裏
莫是商山一皓無身帶煙霞游汗漫藥兼神鬼在葫蘆
只應張果支公輩時復相逢醉海隅

贈鍾陵陳處士

否極方生社稷才唯譚帝道鄙梯媒高吟千首精怪動
長嘯一聲天地開湖上獨居多草木山前頻醉過風雷
吾皇仄席求賢久莫待徵書兩度來

懷鄰叟

常思東溪龐眉翁是非不解兩頰紅
桔槔打水聲嘎嘎
紫芋白薤肥濛濛鷗鴨靜遊深竹裏
兒孫多在好花中
千門萬戶皆車馬誰愛如斯太古風

贈軒轅先生

曾親文景上金鑿語共容城語一般
久向紅霞居不出
若非清世見應難滿鑪藥熟分仙盡
幾局碁終看海乾
略問先生真甲子只言弟子是劉安

偶作因懷山中道侶

是是非非竟不真
桃花流水送青春
姓劉姓項今何在
爭利爭名愁殺人
必竟輸他常寂默
只應贏得苦沈淪
深雲道者相思否
歸去來兮湘水濱

送新羅人及第歸

捧桂香和紫禁煙
遠鄉程徹巨鼇邊
莫言挂席飛連夜
見說無風即數年
衣上日光真是火
島旁魚骨大於船
到鄉必遇來王使
與作唐書寄一篇

送新羅衲僧

扶桑枝西真氣奇
古人呼為師子兒
六環金錫輕擺撼
萬仞雲嶠空參差
枕上已無鄉國夢
囊中猶挈石頭碑

南岳石頭大師劉

珂郎中作碑文也

多慙不便隨高步
正是風清無事時

春晚桐江上閒望作

江上車聲落日催
紛紛擾擾起紅埃
更無人望青山立
空有帆衝夜色來
沙鳥似雲鐘外去
汀花如火雨中開
可憐瀟灑鷓鴣夷
子散髮扁舟去不迴

商山道者

五千言外得玄音石屋寒栖隔

一作得

雪林多傍松風梳

綠髮只燒崖藥點黃金澄潭龍氣來縈砌月冷星精下
聽琴曾夢先生非此處碧桃溪上紫煙深

聞許崇及第因寄桂雍

時清道合出塵埃清苦為詩不仗媒今日桂枝平折得
幾年春色併將來勢扶九萬風初極名到三山花正開
更有平人居蟄屋還應為作一聲雷

澱江秋居作

無事相關性自攄庭前拾葉等閒書青山萬里竟不足
好竹數竿涼有餘近看老經加淡泊欲歸少室復何如
面前小沼清如鏡終養琴高赤鯉魚

上縉雲段使君

清畏人知人盡知縉雲三載得宣尼活民刀尺雖無象
出世文章豈有師木氣芝香粘甕榼雲痕翠點滿旌旗
今朝暫到金臺上頗覺心如太古時

春末蘭谿道中作

山花零落紅與緋汀煙濛茸江水肥人擔犂鋤細雨歇
路入桑柘斜陽微深喜東州云寇去時黃連洞人出
燒劫處州却上不
知西狩幾時歸清平時節何時是轉覺人心與道違

野居偶作

高淡清虛即是家何須須占好煙霞無心於道道自得
有意向人人轉賒風觸好花文錦落砌橫流水玉琴斜
但令如此還如此誰羨前程未可涯

再遊東林寺作五首

臺殿參差聳瑞煙
桂花飄雪水潺潺
莫疑遠去無消息

七萬餘年始半年

傳記盡云安遠持焚三車盡生兜率
天人間四千年彼天一晝夜亦三

十日為一月十二月
為一年壽四千歲

桓玄舊輦殘雲濕
耶舍孤墳落照遲

昔桓玄入山禮遠
公遂捨輦至今在

遠公有箇山僧倚松睡
恐人來取白猿兒

玉像珠龕香陣橫
錦霞多傍石牆生
辟蛇行者今何在

花裏唯聞鳩

一作鳩

鳥聲

愛陶長官醉兀兀
送陸道士行遲遲
買酒過溪皆破戒

斯何人斯師如斯

遠公高節食後不飲蜜水而將詩博
綠醕與陶潛別人不得又送客不以

貴賤不過虎溪而送陸靜修道士過虎溪數
百步今寺門前有道士岡送道士至此止也

白蒼荀花露滴滴紅

一作碧

苾芻草香

一作雨

濛濛田地更

無塵一點是何人合住其中

題蘭江言上人院二首

時王鶴先輩有詩二
首題其院因和題之

一生只著一麻衣道業還欺習彥威手把新詩說山夢

石橋天柱雪霏霏

只是危吟坐翠層門前岐路自崩騰青雲名士時相訪

茶煮西峰瀑布冰

中秋十五夜月

巽雪噴霜滿碧虛
王孫公子翫相呼
從來天匠為輪足
自是人心比夜餘
靜入萬家危露滴
清埋衆象叫鴻孤
坐來惟覺情無極
何況三相與五湖

鷺鷥有懷

前東陽王慥使君
養一鷺鷥名瑤花

粉魄霜華為爾枯
鴛鴦相伴更堪圖
愛來沙島遺銀屋
終作金籠養雪雛
栖宿必多清瀨夢
品流還次白猿徒

今朝不覺頻回首曾伴瑤花近玉壺

東陽罹亂後懷王慥使君五首

第三句
缺一字

昨來祇對漢諸侯勝事消磨不自由裂地鼓鼙軍
急連天烽火陣雲秋砍毛淬劍雖無數敵血為盟不到頭

誰為今朝奉明主使君司戶在隋州

時黃巢奔許公點
土勇救萬禦押于

軟血連西而渠鬼詐降都將連城為盟遠
約遂於戍地當不與衛睦抗守同賊中也

只報精兵過大河東西南北殺人多可憐白日渾如此
來似蝗蟲爭奈何天意豈應容版亂人心都改太凋訛

不勝惆悵還惆悵一曲東風月勝歌

為郡無如王使君一家清冷似雲根貨財不入崔洪口
俎豆嘗聞夫子言鬚髮坐成三載雪黎氓空負二天恩
不堪西望西風起縱火崑崙誰為論

魄懾魂飛骨亦銷此魂此魄亦難招黃金白玉家家盡
繡闥雕甍處處燒驚動乾坤常黯慘深藏山岳亦傾搖
恭聞國有英雄將擬把何心答聖朝

不是龍黃覆育才即須清苦遠塵埃無人與奏吾皇去

致亂唯因酷吏來，剝生靈為事業巧。
通豪譖作梯媒，令人轉憶王夫子。
一片真風去不迴。

秋夜懷嵩少因寄洛中舊知

鑪爇旃檀不稱貧，霏霏玉露濕禪巾。
紫金地上三更月，紅藕香中一病身。
少室少年偏入夢，多時多事去無因。
如今憔悴頭成雪，空想嵯峨羨故人。

避地毘陵寒月上，孫徽使君兼寄東陽王使君。

三首

一到毘陵心更勞
冷吟閒步擁雲袍
豈緣思妙塵埃少
自是風清物態高
野色疎黃連楚甸
故山竒碧隔河橋
終須愚谷中安致
不是人間好羽毛

常憶雙溪八詠前
講詩論道接清賢
文欺白鳳真難及
藥撚紅蕖宜偶然
花濕瑞煙粘玉磬
簾垂幽鳥啄苔錢
自憐不是悠悠者
吟嚼真風二十年

雷車雨滴階聲寂
冥焚香獨閉扃
錦繡文章無路達
袴襦歌詠隔牆聽
松聲冷浸茶軒碧
苔點狂吞納線青

唯有孤高江太守，不忘病客在禪靈。

首句缺一字

秋末寄上桐江馮使君

山東山色勝諸山，謝守清高不可攀。
薄俗盡于言下泰，苦心唯到醉中閒。
香凝錦帳抄書後，月轉棠陰送客還。
野客霑恩歸未得，蕭蕭霜葉滿柴關。

禪師

擊鼓求亡益是非，木中生火更何為。
吾師別是醍醐味，不是知心人不知。

道士

花鳥相逢滿袖雲
藉花論道過金巾
騰騰又入仙山去
只恐是青城丈人

風琴

至境心為造化功
一枝青竹四弦風
寥寥雙耳更深後
如在縵山明月中

庭橘

蟻踏金苞四五株
洞庭山上味何殊
不緣松樹稱君子

肯便甘人喚木奴

落花

蝶醉蜂癡一簇香繡葩紅蒂墮殘芳因嗟好德人難得
公子王孫盡斷腸

孤雲

將比鷺鷥還恐屈始思殘雪不如多清風相引去更遠
皎潔孤高奈爾何

苦吟

河薄星疎雪月孤松枝清氣入肌膚因知好句勝金玉
心極神勞特地無

古戰處

鬼氣蒼黃棘葉紅昔時人血此時風相憐極目無疆地
曾落將軍一陣中

偶然作

蟬聲引出石中蛩寂寞門扃葉數重誰道思山心不切

等閑盡出

一作
畫作

兩三峰

招友人宿

銀地無塵金菊開
紫梨紅棗墮莓苔
一泓秋水一輪月
今夜故人來不來

御定全唐詩卷八百三十六

欽定四庫全書蒼齋要卷一萬八千二百四十二

集部

御定全唐詩卷八百三十七

貫休

山居詩二十四首

并序

愚歲通四五年中於鍾陵作山居詩二十四章放筆藁被人將去厥後或有散書于屋壁或吟咏於人口一首兩首時時聞之皆多字句舛錯洎乾符辛丑歲避寇於山寺偶全獲其本風調野俗格力

低濁豈可聞於大雅君子一日抽毫改之或留之

除之修之補之却成二十四首亦斐然也蝕木也

槩山謳之例也或作者氣合始為一朗吟之可也

休話諠譁事事難山翁只合住深山數聲清磬是非外

一個閒人天地間綠園空階雲冉冉異禽靈草水潺潺

無人與向羣儒說

一作為向
君王道

岩桂枝高亦

一作
好板

難一作
誰是言休即便休清吟孤坐碧溪頭三間茆屋無

人到十里松陰一作
闕獨自遊明月清風宗炳社夕陽秋

色庾公樓修心未到無心地萬種千般逐水流

好鳥聲長睡眠開好茶擎乳坐莓苔不聞榮辱成番盡
只見熊羆作隊來詩裏從前欺白雪道情終遣似嬰孩
由來此事知音少不是真風去不迴

萬境忘機是道華碧芙蓉裏日空斜幽深有徑通仙窟
寂寞無人落異花掣電浮雲真好喻如龍似鳳不須誇
君看江上英雄塚只有松根與柏槎

鞭後從他素髮兼湧清奔碧冷侵簾高竒章句無人愛

澹泊身心舉世嫌
白石橋高吟不足
紅霞影暖臥無厭
居山別有非山意
莫錯將予比宋纖

鳥外塵中四十秋
亦曾高挹漢諸侯
如斯標致雖清拙
大丈夫兒合自由
紫朮黃菁苗叢叢
錦囊香麝語啾啾
終須心到曹溪叟
千歲楮根雪滿頭

慵甚嵇康竟不迴
何妨方寸似寒灰
山精日作兒童出
仙者時將玉器來
筠帚埽花驚睡鹿
地壚燒樹帶枯苔
不行朝市多時也
許史金張安在哉

心心不住希夷石屋

一作室

巉巖鬢

一作白

髮垂養

一作惜

竹不除當路筍愛松留得礙人枝焚香開卷霞

一作雲

生

砌捲箔冥心月在池多少

一作無限

故人頭盡白不知今日

一作頭白又何之

龍藏琅函遍九垓霜鍾金鼓振瓊臺堪嗟一句無人得
遂使君師特地來無角鐵牛眠少室生兒石女老黃梅
令人轉憶龐居士天上人間不可陪

五嶽煙霞連不斷三山洞穴去應通石窗欹枕踈踈雨

水碓無人浩浩風童子念經深竹裏獼猴拾虫夕陽中
因思往事拋心力六七年來楚水東

塵埃中更有埃塵時復雙眉十為顰賴有年光飛似箭
是何心地亦稱人回賢參考時時說蜂蠆狼貪日日新
天意剛容此徒在不堪惆悵不堪陳

翠竇煙巘

一作霞

畫不成桂華瀑沫雜芳馨撥霞掃雪和

雲母掘石移松得茯苓好

一作似

鳥傍花窺玉磬嫩苔和

一作如

水沒

一作汲

金餅從他人說從他笑地覆天翻也只

寧

騰騰兀兀步遲遲
兆朕消磨只自知
龍猛金膏雖未作
孫登土窟且相宜
薜蘿山帔偏能絹
橡栗年糧亦且一作

粗支已得真人好消息
人間天上更無疑

嵐嫩風輕似碧紗
雪樓金像隔煙霞
菖苞玉粉生香壠
茵簇銀釘滿淨楂
舉世只知嗟逝水
無人微解悟空花
可憐擾擾塵埃裏
雙鬢如銀一作絲
事似麻

千巖萬壑路傾欹
杉檜濛濛獨掩扉
斲藥童穿溪磳去

採花蜂冒曉煙歸閒行放意尋流水靜坐支頤到落暉

長憶南泉好言語如斯癡鈍者還稀

南泉大師云學道之人癡鈍者難得

一菴冥自在穹冥菌枕松牀蘚陣青乳鹿暗行檉徑雪
瀑泉微濺石樓經閒行不覺過天井長嘯深能動岳靈
應恐無人知此意非凡非聖獨醒醒

慵刻芙蓉傳永漏休誇麗藻鄙湯休且為小圃盛紅粟
別有珍禽勝白鷗拾栗遠尋深澗底弄猿多在小峰頭
不能更出塵中也百煉剛為繞指柔

業薪心火日燒煎浪死虛生自古然陸氏稱龍終妄矣
漢家得鹿更空焉白衣居士深深說青眼胡僧遠遠傳
剛地無人知此意不堪惆悵落花前

露滴紅蘭玉滿畦閒拖象屣到峯西但令心似蓮花潔
何必身將槁木齊古壑細煙紅樹老半岩殘雪白猿啼
雖然不是桃源洞春至桃花亦滿蹊

自休自己

一作了

自安排常願居山事偶諧僧採樹衣臨

絕壑

金華山出樹衣僧多採為蔬菜味極美也

狄爭山果落空階閒擔茶器

緣青障靜衲禪袍坐綠崖虛作新詩反招隱出來多與
此心乖

石鑪金鼎紅蕖嫩香閣茶棚綠嶽齊塢燒崩騰奔澗鼠
岩花狼籍鬪山雞蒙莊環外知音少阮籍途窮旨趣低
應有世人來覓我水重山疊幾層迷

自古浮華能幾幾一作朝逝波終日去滔滔漢王廢苑生

秋草吳王荒宮入夜濤滿屋黃金機不息一頭白髮氣

猶高豈知知足一作物外金仙子霞外一作甘露天香滿一作滴毛毳

袍

如愚何止直如弦只合深藏碧嶂前但見山中常有雪
不知世上是何年野人愛向菴前笑赤攬頻來袖畔眠
只有逍遙好知己何須更問洞中天

支公放鶴情相似范泰論交趣不同有念盡為煩惱相
無私方稱水晶宮香焚蒼筤諸峰曉珠拍金剛萬境一作
象空若買山資言不及恒河沙劫用無窮

再逢虛中道士三首

天目西峯古壞壇壇邊相別雪漫漫如今四十餘年也
還共當時恰一般

囊裏靈龜小似錢道伊年與我同年壺中長挈天相逐
何處昇天更有天

吾道將君道且殊君鬚全似老君鬚尋常有語爭堪信
愛說蟠桃似甕麤

上盧使君二首

一領彤弓下赤墀惟將清淨作藩籬馬卿山岳金相似

張緒風情柳不如

當作怨卑

心染煙霞新句出筆驅奸蠹宿

根墮鄱陽黎庶還堪羨頭有重天足有毫

司馬遷文亞聖人三頭九陌碾香塵盡傳隸萼麟兼鳳
終作昌朝甫與申樓聳嬌歌疎雨過風含和氣滿城春
因知寰海昇平去又見高宗夢裏人

陪馮使君遊六首

登千霄亭

擁翠捫蘿山屐輕飄飄紅旆在青冥仙科朱紱言非貴

溪鳥林泉癖愛聽
古桂林邊碁局濕
白雲堆裏茗煙青
因思廬岳彌天客
手把金書倚石屏

遊靈泉院

珂珮喧喧滿路歧
亂泉聲裏扣禪扉
對花語合希夷境
坐石苔黏黼黻衣
鳥啄古杉雲冉冉
風吹清磬露霏霏
惠巖亦有孤峯在
只戀繡經未得歸

過相思嶺

譽自馨香道自怡
相思嶺上却無機
荒渠葉覆深霞在

片石人吟一鳥飛何處風砧傳古曲誰家塚樹挂斜暉
因思往事真堪笑鶴背漁竿未是歸

錦沙墩

臨水登山興自奇錦沙墩上最多時雖云髮白孤峯好
其奈名清聖主知草媚蓮塘資逸步雲生松壑有新詩
翛然別是神仙趣豈羨東山妓樂隨

釣罾潭

境靜江清無事時紅旌畫鷁動漁磯心期只是行春去

日暮還應待鶴歸
風破綺霞山寺出
人歌白雪島花飛
自憐亦在仙舟上
玉浪翻翻濺草衣

迎仙閣

澗香霞影遶樓臺
捲箔凭闌耳目開
況從旌旗近鸞鳳
可憐談笑出塵埃
火雲不入長松徑
露茗何須白玉杯
誰道迎仙仙不至
今朝還有謝公來

賀雨上王使君二首

一片丹心合萬靈
應時甘雨帶龍腥
驅塵煞燒連窮

電衝霓滿窗冥處處已知倉廩溢家家皆歇管弦聽

應須蚤勒南山石黃霸清風滿內庭

第三句第四句各缺一字

由來天贊德唯馨朋禱心期事盡行玄妙久聞談佛母

公久與東村大願和尚談般若般若者佛母也感通今日見神明破除秋熱飄

蕭盡還似春時散漫傾他日為霖亦如此諸生無不沐
經營

感懷寄盧給事二首

縣縣遠念近來多喜鵲隨函到綠蘿雖匪二賢曾入洛

忽驚六義滅沈疴童扳鄰杏墮牆瓦燕啄花泥落砌莎
好更因人寄消息沃州歸去已蹉跎

常憶團圓繡像前東歸經亂獨生全孤峯已住六七處
萬事無成三十年每想苑牆危逼路更思鉢塔曉凌煙
如今憔悴荆枝盡一諷來書一愴然

賀鄭使君

三衢蜂蠆陷城池八詠龍韜整武貌纔諭危亡書半幅
便思父母淚雙垂

時公檄書纔去即便歸降來款云思
父母則血淚雙垂憶兄弟乃江山隔

越

戈收甲東投仁境汗浹魂飄拜虎旗死地再生知德

重精兵連讞覺山移人和美叶禎祥出陣善深為典教
推仗信輸誠方始是執俘折馘欲何為清威嚴令無纖
塹長路深山不拾遺七邑恩波歌浩渺一方雲物自鮮
奇天文仰視同諸掌劍術無前更數誰戰馬閒眠汀草
遠秋輦乾揭岳霞隲義為土地精靈伏仁作金湯鐵石
卑龔遂劉寬同煦嫗張飛關羽太驅馳笙歌席上偏憐
客刀劍林中亦念詩穀渚美為長飲水金山高作受降

碑時猶草草秋方盡陳是堂堂孰敢窺寵渥豈唯分節
鉞勲庸須勒上鍾彝神資天贊誰堪比名遂功成自不
知捲箔倚闌雲欲雪擁鑪傾榼酒如飴扶堯社稷常憂
老到郭汾陽亦未遲釋子沾恩無以報只將葑菲賀階
墀

送鄭使君

刺婺廩閭動帝臺唯將清淨作梯媒綠沈槍卓妖星落
白玉壺澄苦霧開仁愛久懸溪上月恩光又發嶺頭梅

天資劉邵龔黃筆神助韓彭衛霍才古驛劍江分掩映
畫旗花舫下喧豕鳳麟帟幕芙蓉拆洞壑清威霹靂來
禮樂封疆添禮樂塵埃時節勿塵埃荔支花下驅千騎
蒼筤林中禮萬迴

時八安大師
在回院也

視事蠻奴磨玉硯邀賓

海月射金杯謳歌合合千門樂輦角雄雄一閣雷君父
恩深頭早白子孫榮襲日難陪東陽緇素如何好空向
生祠祝上台

贈陽公杜之舅

分盡君憂一不遺鳳書徵入萬民悲風雲終日如相逐
雨露前程即可知畫舸還盛江革石秋山又看謝安棊
談諧盡是經邦術頭角由來出世姿天地事須歸橐籥
文章誰得到呆愚扣舷傍島清吟健問俗看漁晚泊遲
霞影滿江搖枕簟鳥行和月下漣漪周秦漢魏書書在
麟鳳龜龍步步隨金殿恩波將浩浩圭峯意緒謾孜孜
郡中條令春常在境外謠謠美更竒道者藥壚留要妙
林僧禪偈寄相思王揚盧駱真何者房杜蕭張更是誰

應念衢民千萬戶家家皆置一生祠

遊金華山禪院

茲地曾棲菩薩僧旃檀樓殿瀑崩騰因知境勝終難到
問著人來悉不曾斜谷暗藏千載雪薄嵐常翳一龕燈
多慙不及當時海又下嵯峨一萬層

寄鄭道士二首

常憶蘇耽好羽儀信安山觀住多時不知玉質雙棲處
兩箇仙人是阿誰

誰帶金輪髻裏珠何妨相逐去清都舊山大有閒田地
五色香茆有子無

送少年禪師二首

秀眉青目樹花衣一鉢隨緣智不知佛與輪王嫌不作
世間剛有箇癡兒

萬水千山一鶴飛豈愁遊子暮何之古今此著無人會
王積新輸更不疑

古劍池

秋水蓮花三四枝我來慷慨步遲遲不決浮雲斬邪佞
真成龍去擬何為

曹娥碑

高碑說爾孝應難彈指端思白浪間堪歎行人不迴首
前山應是苧蘿山

比干傳

昏王亡國豈堪陳只見明誠不見身想得先生也知自
欲將留與後來人

送人遊茆山

鳥啼花笑煖紛紛
路入青雲白石門
君到前頭好看好

老僧或恐是茆君

一作茅真舊宅基猶在藥竈苔深土尚殷君見道人憑與問大還還字若

還為

聞杜宇

咽雨哀風更不停
春光於爾豈無情
宜須喚得謝豹出
方始年年無此聲

聽曉角

三會單于滿閣風五行無忒月朦朧如何十萬家休戚
只在嗚嗚咽咽中

宿赤松山觀題道人水閣兼寄郡守

珠殿香軒倚翠稜寒棲吾道寄孫登豈應肘後終無分
見說仙中亦有僧雲斂石泉飛險竇月明山鼠下枯藤
還如華頂清談夜因有新詩寄鄭弘

春遊涼泉寺

一到涼泉未擬歸迸珠噴玉落階除幾多僧祇因泉在

無限松如潑墨為雲塹
合香啼鳥細茗甌
擎乳落花遲
青山看著不可上
多病多情爭奈伊

經吳宮

夫差昏暗霸圖傾
千古淒涼地不靈
妖艷恩餘宮露濁
忠臣心苦海山青
蕭條陵隴侵寒水
彷彿樓臺出杳冥
此是前車況非遠
六朝何更不惺惺

送薛侍郎貶峽州司馬

得罪唯驚恩未酬
夷陵山水稱閒遊
人如八凱須當國

援到三聲不用愁
花落扁舟香冉冉
草侵公署雨脩脩
因人好寄新詩好
不獨江東有沃州

將入匡山宿韓判官宅

一宿蘭堂接上才
白雲歸去幾裴回
黛青峰朶孤吟後
雪白猿兒必寄來
簾卷茶煙縈墜葉
月明碁子落深苔
明朝江上空迴首
始覺清風不可陪

送鄭侍郎騫赴闕

文章國器盡琅玕
朝騎駸駸歲欲殘
彩筆祇宜天上用

繡衣偏稱雪中看休驚斷鴈離三楚漸入祥煙下七槃
翰苑舊知憑與說紫金輪畔寄書難

上盧使君

一別旌旗已一年二林真子勸安禪常思雙戟華堂裏
還似孤峯峭壁前步出林泉多吉夢帆侵分野入祥煙
自憐酷似隨陽鴈霜打風飄到日邊

寄匡山大願和尚

一聽玄音下竹亭却思窗雪與囊螢祇將清淨酬恩德

敢信文章有性靈
夢歷山牀聞鶴語
吟思海月上沙汀
不堪迴首滄江上
萬仞廬峯在杳冥

別盧使君歸東陽二首

雨氣濛濛草滿庭
式微吟劇更誰聽
詩逢匠化唯貪住
日覺恩深不易銘
心苦祇應消鬢黑
夢遊頻入倚天青
從茲還似歸回首
唯祝台星與福星

家在嚴陵釣渚旁
細漣嘉樹拂窗涼
難醫林藪煙霞癖
又出芝蘭父母鄉
孤帆好風千里煖
深花黃鳥一聲長

終期金鼎調羹日再近尼丘日月光

溪寺水閣閒眺因寄宋使君

溪木蕭條一凭闌玉霜飛後浪花寒釣魚船上風煙暝
古木林中砧杵乾至竟道心方始是空眺山色亦無端
誰如太守分憂外時把西經盡日看

春送趙文觀送故合州座主神櫬歸洛

喜繼于悲錦水東還鄉仙騎却尋嵩再燒良玉堯雲動
方報深恩絳帳空遠道靈輓春欲盡亂山羸馬恨無窮

他年必立吾君側好把書紳荅至公

誓光大師草書歌

雪壓千峰橫枕上窮困雖多還激壯看師逸蹟兩相宜

高適歌行李白詩海上驚驅山猛燒

一作海上風
驚驅猛燒

吹斷

狂煙著沙草江樓曾見落星石幾回試發將軍砲別有

寒雕掠絕壁提上玄猿更生力又見吳中磨角來舞槊

盤刀初觸擊好文天子揮宸翰御製本多推玉案晨開

水殿教題壁題罷紫衣親寵錫僧家愛詩自拘束僧家

愛畫亦局促唯師草聖藝偏高一掬山泉心便足

題成都玉局觀孫位畫龍

位東越人僖宗南巡
隨入蜀後改名遇

我見蘇州崑山佛殿中金城柱上有二龍老僧相傳道
是僧繇手尋常入海共龍鬪又聞蜀國玉局觀有孫遇
蹟蟠屈身長八十尺遊人爭看不敢近頭覩寒泉萬丈
碧

觀地獄圖

我我非

一作水

劍閣有樹不堪攀佛手遮不得人心似等

閒周王應未雪白起作何顏盡日空彈指茫茫塵世間

贈雷卿張明府

任官征戰後度日寄閑身封卷還高客飛書問野人
廢田教種穀生路遣尋薪若起柴桑興無先漉酒巾

獻錢尚父

錢鏐自稱吳越國王休以詩投之鏐論改為四十州乃可相見休曰州亦

難添詩亦難改閑雲孤鶴何天不可飛遂入蜀

貴逼人

一作身

來不自由龍驤鳳翥勢難收

一作幾年勤苦踏林丘

滿堂花醉三千客一劍霜寒十四州鼓角揭天嘉氣冷

風濤動地海山秋東南永作金天柱

一作萊子衣裳宮錦
窄謝公篇詠綺霞羞

他年名上
誰一作

凌煙閣
宜羨當時萬戶侯

繡州張相公見訪

德符唐德瑞通天曾叱讒諛玉座前千襲彩衣宮錦薄
數牀御札主恩偏出師暫放張良箸得罪惟撐范蠡船
未報君恩終必報不妨金地禮青蓮

題某公宅

宅成天下借圖看始笑平生眼力慳地占百灣多是水

樓無一面不當山，荷深似入蒼溪路。
石怪疑行鴈蕩間，只恐中原方鼎沸。
天心未遣主人閑。

海覺禪師山院

人言海覺老宗師，隱絕層巔世莫知。
青草不生行道跡，白雲常護坐禪扉。
六環金錫飛來後，一派銀河瀉落時。
借問大心能濟物，龍門風電捲天池。

悼張道古

昭宗時道古官拾遺
以直諫貶蜀中死

清河逝水大悠悠，東觀無人失至公。
天上君恩三載隔

鑑中鸞影一時空
墳生苦霧蒼茫外
門掩寒雲寂寞中
惆悵斯人又如此
一聲蠻笛滿江風

月夕

霜月

一作殘

夜裏回樓中
羌笛

一作管

催曉風吹不盡
江上

落殘梅

夜雨

夜來山草濕
爽籟雜枯木
閒吟竺三仙
偈清絕過于玉

晚望

落日碧江靜，蓮唱清且閒。
更尋花發處，借月過前灣。

早霜寄蔡大

昨夜楚鐘鳴，飛霜下楚城。
定知遷客鬢，先向鑑中生。

一作

荒郊昨夜雪，羸馬又須行。
四顧無人迹，雞鳴第一聲。

贈寫經僧楚雲

剔皮刺血誠何苦，為寫靈山九會文。
十指瀝乾終七軸，後來求法更無君。

寄題詮律師院

以下見
統籤

錦溪光裏聳樓臺
師院高凌積翠開
深竹杪聞殘磬盡
一茶中見數帆來
焚香只是看新律
幽步猶疑損綠苔
莫訝題詩又東去
石房清冷在天台

寄天台葉道士

負局高風不可陪
玉霄峰北置樓臺
注參同契未將出
尋榔栗僧多宿來
颼械松風山棗落
閒闕溪鳥朮花開
終須肘後相傳好
莫便乘鸞去不迴

送道友歸天台

蘚濃苔濕冷層層
珍重先生獨去登
氣養三田傳未得
藥非八石許還曾
雲根應狎玉斧子
月逕多尋銀地僧
太守苦留終不住
可憐江上去騰騰

陶種柑橙令山童買之

高步南山南
高歌北山北
數載買柑橙
山資近又足

春送僧

以下見汲古閣毛氏本

蜀魄關關花雨深
送師衝雨到江潯
不能更折江頭柳

自有青青松柏心

律師

蒼蘂花紅徑草青雪膚冰骨步輕輕
今朝暫到焚香處
只恐牀前有瓦蟲聲

書石壁禪居屋壁

赤旃檀塔六七級白菡萏花三四枝
禪客相逢只彈指
此心能有幾人知

句

今日再三難更識識辭唯道待錢來

周寶蒞丹陽州人
有事輒云待錢來

後果以錢鏐代之
此上錢鏐句也

鴈蕩經行雲漠漠
龍湫宴坐雨濛濛

濛

鴈蕩山今有經行臺
宴坐峯皆以休得名

刻成箏柱鴈相挨
黃昏風

雨黑如磐別我不知何處去

俠客 見
劍俠傳

郭尚父休誇

塞北裘中令莫說淮西

野客
叢談

萬計交人買華軒
保惜

深

牡丹 吟
窗雜錄

如何忠為主至今不封侯

即邊
將

但看

千騎去知有幾人歸
一生不蓄買田錢
華屋何心亦

偶然客至多逢僧
在坐釣歸惟許鶴
隨船

錦繡萬
花谷

家

為買琴添舊價
廚因養鶴減晨炊

合

粘粉為題棲鳳

竹帶香因洗落花泉

上合

御定全唐詩卷八百三十七